



partii naleraq

Nuuk 31. oktober 2018
UKA2018/171
Hans Enoksen Partii Naleraq

Meeqqat inuusuttullu sumiginnagaasut ikilisinniarlugit nuna tamakkerlugu iliuusissatut pilersaarummik kingusinnerpaamik UKA2019-mi saqqummiunneqartussamik Naalakkersuisut suliaqarnissaat pillugu Inatsisartuni aalajangiiffisassatut siunnersuut.
(Inatsisartunut ilaasortaq Sara Olsvig, Inuit Ataqtigiit)

Inatsisartunut ilaasortaq Sara Olsvig Inuit Ataqtigiit, Meeqqat inuusuttullu sumiginnagaasut ikilisinniarlugit nuna tamakkerlugu iliuusissamik pilersaarummik UKA2019-mut Naalakkersuisut saqqummiussaqaarnissaat pillugu siunnersuummut oqaaseqatissagut saqqummiutissavagut.

Siunnersuut ulluinnarni ilaqtariippasuit inuunerannut kalluaasoq, aammalu meerarpassuit inuusuttullu inuunerannut sunniuteqartorujussuaq, matumuuna saqqummiunneqartoq pitsaasumillu tunngavissaqaarlualuni suliaasaasoq ilisimavarput.

Ajuusaarnarluinnartumik ukiuni kingullerni malunnartorujussuarmik ilaqtariippasuit ajornartorsiutigilersimavarput meeqqanik inuusuttunillu sumiginnaaneq, tamannalu ajuusaarnarluinnarpoq, ikioqtigiinnikkullu aaqinniartuartariaqarluni. Tassami nalunngilarput tamatta meeqqanik inuusuttunillu sullississut assut ilungersorlutik sulisut, taamaakkaluartorli suli amerlaqisut massakkumut sullinneqanngitsut tusartarpagut takusarlugillu.

Siunnersuut saqqummiunneqartoq Sara Olsvig Inuit Ataqtigiit assut soqutiginartipparput, tassami piaartumik aaqqissuutissamik tunngavissarissaartumillu suliniutit ingerlanneqaarnissat pisariaqarmat, pilersaarutimmi tunngavissaqaarluaarnissaat tamatta pisariaqartipparput, kommuniugutta imaluunniit naalakkersuisuugutta innuttaqataaguttaluunniit.

Tassa aamma nalunngilarput suliarpassuit ingerlatinneqareersut, aamma sulisorpassuit sulilluartuusut, kisianni tassa qulaarnaarniagassaajuannarpoq sullinneqartut aamma sukkaasuumik ikiorneqaarnissaannut aqutissat tunngavissallu pitsaangorsartuarnissaat, uanilu siunnersuummi tamanna anguniagaasoq takusinnaavarput, tassalu meeqqat inuusuttullu pitsaasuumik sullinneqaarnissat qulaarnaarniarneqarmat.

Taamatummi suliniarnerit pitsaasuumik ingerlalluassappata ilisimavarput kalluagassagut sunniuteqarsinnaasullu amerlasuujusut. Atuarfiit, klubbit, timersortarfiit timersoqatigiiffiit kommunit, Namminersorlutik oqartussat, Meeqqat illersuisuat, allallu atumassuteqartut tamaasa, tassami misilittakkat aamma pitsaaneruumik sullissinissami atorluagassagut pinngitsoorneqarsinnaanngillat.

Taamaliornikkut aamma meeqqat sumginnarneqarsimasut inuusuttullu ilinniartitaanikkut siuarsaaffigineqarnissaat anguneqarsinnaavoq, aqqissuussilluarnikkummi siusinnaarlunilu sulissunnerisigut siunissamut ingerlariaqqinnissaat aqutissiunneqartussaavoq tamannalu inuiaqatigiit ataatsimut isigalugit silatusaarneruvoq ajunngitsumik kinguneqartussaaq.

Ilanngullugu Naalackersuisut siulittaasuannut kaammattuutigeqqissavarput Politikkikkut oqartussaaffiit akisussaafferujussuarnik ingerlatsiffiusut tassalu isumaginninnermut tunngasut, aammalu peqqinnissaqarfimmut naalackersuisoqarfiit marluk taakkua immikkoortinneqarnissaat kammattuutigalugu apuuteqqikkatsigu.

Naalackersuisut siunnersuummut tapersiinerat takullugu nuannerpoq qujanarlunilu. Taamatut oqaaseqarluta tamakkiisumik siunnersuummut tapersiinerput oqaatigissavarput.